

A E trabou skondí di e Spiritu Santu:

❖ Su trabou misterioso.

- Ora E tabata papia ku Nikodemo, Hesus a kompará e trabou di e Spiritu ku e bientu (Juan 3:5-8).
 - (a) “E ta supla unda ku E kier”. Ningun hende por kontrol’É. E ta hasi Su boluntat efisientemente na un manera totalmente misterioso.
 - (b) “Bo ta tende Su zonido”. Ounke nos no por mir’É, Su trabou ta konkreto. Nos por mira e efekto di Su trabou den hende.
- Ora ku E supla den nos (wesunan seku, Ezekiel 37:1-14)), nos ta risibí bida spiritual nobo.

❖ Su trabou kreativo.

- E tabata zuef riba e awanan manera e águila ta move riba su puitunan pa protehá nan (Deuteronomio 32:11). E Spiritu Santu tabata presente den Kreashon.
- E Spiritu tabata un aktor sekundario segun El a sostené e trabou di e Tata (Genesis 1:1) i e Yiu (Kolosensenan 1:16; Hebreonan 1:2)
- E tabata presente ora ku hende a wòrdu kreá (“laga nos traha”) i E ta e aktor prinsipal den renobá bida riba tera (Salmo 104:30).

❖ Su trabou den ilustrá e plan di salbashon.

- E Spiritu Santu a duna donnan speshal na Bezalel pa hasi tur e obranan artístiko ku tabata nesesario ku abilidadat speshal i bunitesa (Eksodo 31:4-5).

B Skondí tras di Hesus.

❖ Glorifikando Hesus. Juan 15:26; 16:14.

- Kon e Spiritu Santu ta glorifiká Hesus?
- E Spiritu ta skonde tras di Hesus. Su trabou ta pa atrae nos na Kristu i Su obra di redenshon.
- Nos mester atrae tur hende na Hesus manera e Spiritu ta hasi, no na nos mes (i ni asta na e Spiritu Santu).

❖ Trahando pa Hesus.

- E Spiritu Santu a hunga un ròl aktivo den e bida di Hesus.
 - (a) El a hasi Su inkarnashon posibel (Lukas 1:35); El a ungi’É pa Su mishon (Lukas 3:22); El sosten’É den tentashonnan (Lukas 4:1, 14); El a sostene den Su trabou di rendeshon (Hebreonan 9:14); El a hasi Su resurekshon posibel (1 Pedro 3:18).
- E Spiritu Santu ainda ta trahando pa Hesus den e bida di kada un di nos.
 - (a) E ta siña nos tokante di Hesus dor di huza e Skrituranan; E ta guia nos na un relashon di salbashon ku Hesus; E ta reprodusí e karakter di Hesus den nos; E ta duna nos poder asina ku nos por biba un bida manera esun di Hesus.